

ODBOR ZA ZAŠTITU LJUDSKIH PRAVA I SLOBODA NOVI PAZAR, SANDŽAK

ADRESA OSMANA ĐIKIĆA BR 2 – 36300 NOVI PAZAR, SANDŽAK – TEL./FAX 0038 20 29 312



199 god

HRONOLOŠKI PREGLED UBIJENIH I OTETIH MUSLIMANA IZ SANDŽAKA REPUBLIKE SRBIJE 1992-1993. GODINE

10. juni 1992. godine. Priboj

Iz Doma zdravlja u Priboju pripadnicima vojske su neovlašćeno predati neizlečeni pacijenti iz Goražda, Čeljo Sabahudin i Jusuf Šalaj. Obojica su odvedeni u nepoznatom pravcu i od tada im se gubi svaki trag.

26. avgust 1992. godine, Priboj

Na pedesetak metara od Karaule u kojoj su se nalazili rezervisti vojske Jugoslavije ubijen je mještanin Sjeverina (Priboj) Ramo Berbo (1952). On je 26. avgusta čekao autobus na raskrsnici puta Priboj-Rudo kada su se, prema iskazima svjedoka koji se navode u zapisniku o uviđaju, ispred trgovine zaustavila dva kamiona tipa "Tam", od kojih je jedan nosio protivavionski top. Izašlo je nekoliko vojnika u sivomaslinastim uniformama sa oznakama četiri S. Dok su dvojica pretakali benzin, jedan vojnik je obišao kamion i zatražio lični dokumenat od Berba Rama koji je tu stajao. Nakon što je ovaj dao ispravu, vojnik je izvadio pištolj i nekoliko puta opalio u njega. Vojnici su naredili prisutnima da leš bace u reku Lim. Na njihovo oklevanje zaprećeno im je pištoljem.

Ni nekoliko mjeseci kasnije javnost nije upoznata sa rezultatima istrage. Prema navodima predstavnika opštinskih vlasti Priboja počilnac zločina je u pritvoru, radi se o izvjesnom Draganu Lukiću i riječ je o ubistvu iz nehata.

14. oktobar 1992. godine, Beograd

U Beogradu je ubijen Bektašević Ismet, star 40 godina.

17. oktobar 1992. godine, Beograd

Pronađen je leš ubijenog Ibra Hajrovića iz Novog Pazara.

22. oktobar 1992. godine, Priboj

Oko 07 časova u selu Mioča iz autobusa koji saobraća na liniji Priboj-Sjeverin je oteto 18 Muslimana sa područja MZ Sjeverina (Priboj) i odvedeno u nepoznatom pravcu. Istog dana prema saopštenju vojnih izvora objavljenih u "Borbi" od 24/25 oktobra, istog dana su izmasakrirani kod Višegradske banje.

Tih dana predsjednik SR Jugoslavije je imenovao specijalnu komisiju za utvrđivanje činjeničkog stanja koja ni do danas nije objavila izvještaj o radu, a ni demantovala vijest iz vojnih izvora da su oteti ljudi istog dana likvidirani u blizini Višegrada.

Likvidirani su:

- | | |
|----------------------------------|------------------------------|
| 1. Begović Ramiz (1933) | 10. Hodžić Medredin (1962) |
| 2. Sajtarević Hajrudin (1955) | 11. Čatović Sabahudin (1970) |
| 3. Softić Mithad (1951) | 12. Čatović Ramahudin (1968) |
| 4. Softić Derviš (1953) | 13. Hodžić Zafer (1956) |
| 5. Bajramović Mustafa (1948) | 14. Šebo Mehmed (1962) |
| 6. Picikoza Sejo (1962) | 15. Alihodžić Mujo |
| 7. Džihic Nusret (1956) | 16. Mandal Alija (1954) |
| 8. Hodžić Medo (1955) | 17. Džihic Esad (1968) |
| 9. Hodžić Mevlida (supruga Meda) | |

25. januar 1993. godine, Beograd

U ponedjeljak 25. januara u stanu na petom spratu u ulici Ohridskoj 16, u blizini Hrama svetog Save, pronađena su tijela Omera Omerovića (37) i Jasmine Klinger (39). Vjerenici su ubijeni nožem, a ruke i noge bile su vezane kanapom za sušenje rublja.

18. februar 1993. godine, Priboj

Oko 17 časova i 20 minuta, izvršen je oružani napad na selo Kukurovići (Priboj) naseljeno muslimanskim življem. Napad su izvršili rezervisti Vojske Jugoslavije i pristigli "Bijeli orlovi" iz Priboja. Ubijeno je troje ljudi i dvoje je teško ranjeno i zapaljeno devet kuća.

Ubijeni su:

1. Bulut Huzeir
2. Husović Mušan
3. Sarač Sadeta.

Ubijeni Huzeir i Mušan su živi ubačeni u kuće a potom spaljeni sa kućama, a prema navodima očevidaca tijelo ubijene žene Sadete nađeno je u šupi bila je svučena rafalno pogođena preko grudi i obe ruke polomljene. Sahrana ovih ljudi ni poslije sedam dana nije obavljena.

18. februar 1993. godine, Priboj

Na graničnom punktu Uvac od strane pripadnika vojske kidnapovan je i Senad Kadić radnik "Poliestera" (Priboj) i odveden u nepoznatom pravcu. Nakon tri dana Senad Kadić je vraćen na teritoriju Srbije.

27. februar 1993. godine, Priboj

Na dijelu pruge Beograd-Bar u selu Štrpci nedaleko od Priboja pripadnici vojske skinuli su iz voza i u nepoznatom pravcu odveli 23 Muslimana. Do sada su poznata imena 18 otetih Muslimana:

- | | |
|--|---|
| 1. Alomerović Adem (1936), Prijepolje | 11. Ćorić Rasim iz sela Zaluga (Prijepolje) |
| 2. Bakija Fehim (1953), Bijelo Polje | 12. Nijazija Kajević, Prijepolje |
| 3. Babičić Ismet (1963), Podgorica | 13. Memović Fikret, Prijepolje |
| 4. Husović Rifat (1958), Bijelo Polje | 14. Nanić Muhedin, Prijepolje |
| 5. Samir Rastoder (1977), Podgorica | 15. Softić Šećo, Bijelo Polje |
| 6. Kapetanović Esad (1974), Bijelo Polje | 16. Topuzović Džafer, Prijepolje |
| 7. Ličina Iljaz (1950), Bijelo Polje | 17. Preljević Safet, Prijepolje |
| 8. Šahman Nihad Bijelo Polje | 18. Zeković Fevzija, Prijepolje |
| 9. Đečević Senad (1976), Bar | 19. Toma Buzov (Hrvat po nac.) |
| 10. Zupčević Halil (1944), Trebinje | |

16. mart 1993. godine, Zaječar

Vojnik Crvčanin Ramo iz Sjenice, rođen 16.10.1974. godine, koji se nalazio na služenju vojnog roka u V.P. 6002-10/3 u Zaječaru izgubio je na tragičan način život. Prema saopštenju porodice Ramo je zaklan vojničkim nožem-bajonetom od strane desetara Bonovića (profesionalnog vojnika).

6. april 1993. godine, Prijepolje

Prema dobijenim informacijama dana 6.04.1993. godine, došlo je do nove otmice jednog lica muslimanske nacionalnosti u Štrpcima, na dijelu pruge Beograd-Bar. Tog dana otet je Gojak Hasib, rođen u selo Gojakoviće, opština Prijepolje, rođen 1953. godine, otac troje djece, inače stalno zapošljen kao čuvar pruge. Nakon dva dana Gojak je vraćen na teritoriju Srbije.